



Connvbii Decvs, Et Robvr

Connubii decus et robur

[Gotha]

Vockerodt, Gottfried


P 4° 00420 (65)

https://dhb.thulb.uni-jena.de/receive/ufb_cbu_00000642

urn:nbn:de:urmel-33af7dc1-e62f-40b0-aea5-7638727ab6ec9-00000966-12

Lizenz: <https://creativecommons.org/licenses/by-sa/4.0/>





urn:nbn:de:urmel-33af7dc1-e62f-40b0-aea5-7638727ab6ec9-00000966-12

65

**CONNVBII
DECVS, ET ROBR:**

172i

urn:nbn:de:urmel-33af7dc1-e62f-40b0-aea5-7638727ab6ec9-00000966-29

Seite 3 von 6

Bild: 2

Virilis animi foemina,
 laborans, curans, æstuans pro marito,
 pro EIVS domo, sobole, & re familiari,
 dum HVIC ex officii lege laborandum est
 pro PRINCIPE, ET POPULO,
 pro publica re vniuersa, maxime sacra:
 quæ, dum virorum labores, curas, vigilias
 acuit, asperat, prorogat,
 virili domi opus habet adiumento,
 ne mole sua obruat, & opprimat laborantes,
 vel horum ministeria turbentur, interpellentur, intercipientur:
 atque adeo certum, & ratum DOMUS subsidium, & ornamentum,
 præsidiumque opportunum, & necessarium fortunæ altioris,
 si hæc continuari debet, & prorogari in posteros,
 munus propitii NVMINIS promissum,tribuendumque
 ILLUD ex animo, & bona fide timentibus, colentibus,
 si optandum, quærendum, & deligendum fuisset
 VIRO SUMME REVERENDO, ET MAGNIFICO,

**ALBERTO CHRISTIANO
 LUDWIG,**

dudum sacris SERENISSIMORVM SAXONIAE DVCVM ministeriis
 ornato, spectatoque,

nunc supremi antistitis in templo ARCIS IRENOPETRAEAE,
 & ILLVSTRIS PROTOSYNEDRII consiliarii munere fungenti,
 non contigisset optabilius,
 non qualiter esset aptius,
 non inuentum, delectumque esset felicius,

quam
 NOBILISSIMA, ET SPECTATISSIMA MATRONA,

NOMINE, & OMINE

DOROTHEA,

commendatissima,
 genere, dotibus corporis, animique, virtutibus, meritis,
 quæ desiderare potest tantus maritus,
 poscere tantæ spei soboles,
 venerari posteritas;
 nec, dum reposcitur ab eo, qui dederat, desideratissimum donum,
 subducitur marito, propter dominica negotia absenti,
 ex improviso magis, & contra vota, spemque DOMVS vniuersæ,
 nec requiritur ab ipso, & sobole nobilissima luctuosius,
 nec conditur flebilius ab omnibus legitimis æstimatoribus
 veri decoris matronarum eius ordinis, & dignitatis.

Sane

Sane

dum vno pene nuncio per ciuitatem vulgatur regiam
 morbus, & mors tantæ MATRONAE,
 vix fuit, qui non doleret vicem mariti absētis:
 nemo non cum sobole superſtite
 ad funeratos lares ex ſeſſu vicino reuerſa,
 ac territa tanta clade domeſtica,
 effuſaque in lacrimas, & querimonias
 doluit, lūxit, & lamentatus eſt,
 ademtum NOBILISSIMAE, ET VENERANDAE DOMVI
 LVDOVICIAE
 tam carum pignus, tam pulchrum decus, tam ſpectatum robur:
 omnes, quibus florentis virilis animi præſentia,
 ſenſus, affectus, & iudicium de rebus diuinis,
 reuerentia in maritum,
 curata, & religioſa in domo curanda prouidentia,
 pia in ſobole cuſtodienda ſeueritas,
 in excitanda ad recta ſtudia ſolertia,
 in acuenda induſtria autoritas,
 feliciffime intercedens, ne ſuis fraudi eſſent
 ſolennia religioſæ institutionis impedimenta:
 propter quæ non prouidenter ſatis excluſa
 heroum, & potentiorum filios noxas fieri vulgo conſtat:
 caritas in pauperes,
 humanitas, & tempeſtiua indulgentia in obnoxios,
 atque alia documenta virtutis, & laudis,
 quæ in hunc ſexum cadunt,
 & quæ SVMME REVERENDI MARITI virtuti, & dignitati
 conueniunt,
 propius inſpecta, & ex ſermonē, vſq; familiari cognita fuerunt,
 dum memorant, celebrantque inter exequias:
 quotquot boni ſunt ipſi,
 & cordati boni, probatique moris æſtimatores,
 palam dolent repentino caſu ſublato,
 vt opportunum ſuis præſidium,
 ira deſideratum pluribus exemplum.
 Non temere itaque conſecutus eſt tantus amor florentem,
 dolor morientem,
 deſiderium deſunctam, tumultatamque.
 At vero dum tabula non capit
 digna tantis BEATAE virtutibus elogia,
 pietas obſtat, quo minus diſſimulentur ſumma capita,
 quæ vtcunque deſunctæ memoriam potuerint illuſtrare.
 Numburgi nata eſt
 CIO DC LXXIV. NOVEMBRIS VII,
 patre ANDREA CRELLIO,
 tunc iudice prouinciæ, deinde conſule, & præfecto Pegauienſi,

matre

matre MARIA MAGDALENA,
ISAACI THIELENII, LIBERI BARONIS de Rechenberg
præfetti filia:

NVPTA CIO IDC XCI. OCTOB. XXVII.

enixa sextam prolem,
ex qua superstites sunt, florentque egregie
fortunæ, & studiorum documentis, incrementisque
vnica filia, & filii quatuor.

Nacta enim est BEATA, dum vixit,
maternæ suæ curæ, & providentiæ eum fructum,
vt viderit filiam, suæ virtutis, & laudis æmulam, maritam,
ex filiis natu maximum feliciter versantem in foro,
alterum spectatum in cathedra academica,
postremos duos in scholastica auditos cum applausu,
cum coram ILLVSTRI panegyri pio fungerentur officio.

Quibus vt pro matre defuncta

CIO IDCC XXI. SEPT. XXI,

diu superstes SVMME REVERENDVS PARENS

diuino contingat munere,
autorque, itator, & amplificator
fortunæ, & ornamentorum suis esse possit,
suo, & collegarum nomine
ex animo precatur

ILLVSTRIS GYMNASII GOTHANI

RECTOR.

GOTHOFREDVS VOCKERODT.

P. P. ipso, quo parentandum erat, die

VI. OCTOBR. CIO IDCC XXI,

Litteris REYHERIANIS.

